

Grad Novi Pazar

Skupština grada

Odbornička grupa SDA Sandžaka

Novi Pazar

15. jun 2023. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O DOSTAVLJANJU IZVJEŠTAJA O SPROVOĐENJU ODLUKE O PRISTUPANJU DONOŠENJA STATUTA GRADA NOVOG PAZARA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja je zakazana za 16. jun 2023. godine.

Predsjednik odborničke grupe

mr. Ahmedin Škrijelj

PRIJEDLOG

Na osnovu člana 32. stav 1. tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 147. Statuta grada Novog Pazara („Službeni list grada Novog Pazara“, broj 6/19) i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 16. jun 2023. godine, donosi

O D L U K U

O DOSTAVLJANJU IZVJEŠTAJA O SPROVOĐENJU ODLUKE O PRISTUPANJU DONOŠENJA STATUTA GRADA NOVOG PAZARA

Član 1.

Obavezuje se Komisija za izradu nacrtu Statuta grada Novog Pazara, obrazovana Odlukom o pristupanju donošenja Statua Grada Novog Pazara, broj: 010-1/21 od 25. februara 2021. godine („Službeni list Grada Novog Pazara 3/21) da dostavi izvještaj o razlozima nepostupanja u pogledu izvršenja obaveze utvrđene Odlukom o pristupanju donošenja Statua Grada Novog Pazara.

Član 2.

Obaveza utvrđena članom 1. ove odluke ima se izvršiti u roku od 8 dana od dana objavljivanja ove odluke u „Službenom listu grada Novog Pazara“.

Član 3.

Ovu odluku objaviti u „Službenom listu grada Novog Pazara“.

SKUPŠTINA GRADA NOVOG PAZARA

Broj:

U Novom Pazaru, 16. jun. 2023. godine

PREDSJEDNIK

Dr. Anela Šemović

O B R A Z L O Ž E N J E:

Pravni osnov za donošenje ove odluke sadržan je:

- u članu 32. stav 1. tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018);
- u članu 147. Statuta grada Novog Pazara („Službeni list grada Novog Pazara“, broj 6/19);
- i članu 137. Poslovnika Skupštine grada Novog Pazara („Službeni list grada Novog Pazara“, broj 6/19).

Razlozi za donošenje odluke:

Donošenjem ove odluke propisuje se obaveza Komisiji za izradu nacrt Statuta grada Novog Pazara da podnese izvještaj o razlozima nepostupanja po Odluci o pristupanju donošenja Statuta Grada Novog Pazara, broj: 010-1/21 od 25. februara 2021. godine („Službeni list Grada Novog Pazara 3/21).

Odlukom o pristupanju donošenja Statuta Grada Novog Pazara, od 25. februara 2021. godine utvrđena je obaveza promjene Statuta Grada Novog Pazara te je formirana komisija u sastavu: Mirko Drmanić, Hidajet Plojović i Pemba Džanković sa obavezom da izradi nacrt Statuta u roku od 60 dana od dana objavljivanja navedene odluke.

Odluka o izradi novog teksta Statuta grada inicirana je i predložena od Gradonačenika i Gradskog vijeća.

Međutim, Skupština grada, koje je jedina nadležna da donese Statut ili vrši njegove izmjene i dopune do danas nije razmatrala ovo pitanje.

Odluka u izradi nacrt Statuta grada donijeta je 25. februara 2021. godine, shodno toj Odluci Komisija je imala obavezu da najkasnije do 25. aprila 2021. godine izradi nacrt Statuta grada.

Komisija do danas nije izvršila svoju obavezu, koju je pred nju postavila Skupština grada, iako je prošlo više od dvije godine. U vezi sa ovim pitanjem važno je naglasiti da je promjena Statuta grada utvrđena i u skladu sa odlukom kojom se reguliše najmanji obavezni procenat učešća žena u organima i tijelima Grada Novog Pazara, međutim do danas ni ta odluka nije realizovana.

Na ovaj način (donošenjem Odluke o obavezi podnošenja izvještaja) Skupština grada može utvrditi razloge i eventualne okolnosti zbog kojih je Skupština grada ostala uskraćena da donese temeljni i najvažniji pravni akt grada.

Statut grada, pored toga što je najvažniji pravni akt grada takođe predstavlja akt od vitalnog interesa i za same građane Novog Pazara.

Zakonom o lokalnoj samoupravi i opštim aktima Grada Novog Pazara propisana je stroga obaveza u pogledu izvršavanja odluke koje donese Skupština.

Sve odluke Skupštine moraju se izvršavati, primjena selektivnog pristupa u vezi sa ovim pitanjem je neprihvatljiva, suprotna je zakonu i unižava dostojanstvo i kredibilitet Skupštine grada u očima građana i dovodi u pitanje svrhu njenog postojanja.

Dosadašnjim postupanjem, odnosno selektivnom primjenom odluka Skupštine grada negativno se utiče na motivisanost odbornika da aktivno i kvalitetno vrše svoje zakonom propisane poslove ali i se i sama lokalna samouprava udaljava od svoje osnovne funkcije zbog koje je uspostavljena i osnovana.

Objašnjenje pojedinih rješenja propisanih ovom odlukom:

Član 1: Utvrđen je predmet odluke, odnosno obaveza podnošenja izvještaj o realizaciji odluke navedene u ovom aktu.

Član 2: Utvrđen je rok za izvršenje obaveze propisane članom 1. ove Odluke.

Član 3: Propisana je obaveza objavljivanja u „Službenom listu grada Novog Pazara“.

Finansijska sredstva za sprovođenje ove odluke nisu potrebna.